

傭
廬
韻
偶

光緒辛丑余就館於呂方寺邨蘇宅時有學生苦
於對偶之艱爲製韻偶一編以示模範每平韻爲
二段每段八韻間有包羅時勢評騭古人並一已

之學問性情聲情笑貌亦現於紙上較坊本之對
韻歌差爲過之初學解此則運用典故開徑獨行
不至局促如轅下駒矣此稿久失近乃得之爰付
印以裨初學亦不無壤流之助也丁丑孟春書於
傭廬

韻偶

傭廬

一東

前對後外對中舍北對牆東心田對眉宇手素對
顏紅披畫稿檢詩筒大人占變虎小技陋雕蟲心
事如青天白日胸懷似霽月光風千古文章思巨
手一時霸業笑重瞳身世遭逢怎答天高地厚國
家祥瑞莫如子孝臣忠

其二

高對下始對終善守對能攻風和對日麗月異對
雷同郭有道王無功詩心嘔李賀賦手擅揚雄羨
遭際雲龍風虎慨光陰春燕秋鴻幾陣清風生戶
牖半鉤微月挂簾櫳紹孔孟淵源正學何知異學
觀天地氣象畫工爭及化工

二冬

麟對鳳虎對龍盛夏對隆冬春三對秋九暮鼓對
晨鐘君子竹大夫松救世思名世歸農學老農論
抱負常懷諸葛入牢籠深惜蔡邕景公沒世空千
駟孟子留齊謝萬鍾架上奇書入此室且開黃卷
匣中寶劍非其時莫露青鋒

其二

天對地祖對宗四德對三從青衫對翠袖白打對
黃封詩思淡墨香濃尋花雙翅蝶釀蜜細腰蜂泉
響迸千聲珠玉山痕簇萬朶芙蓉梅塢間遊頻着
屐松陰小立偶支筇吹面不寒柳絮池塘風淡淡
迎眸寫照梨花院落月溶溶

三江

牀對榻戶對窗陸海對潘江
晶盤對玉碗鐵甕對金缸
山寂寂水淙淙過澆舟自盪
項羽鼎能扛唐室名臣房謀
杜斷李家恨事廣隕陵降管子
霸功推第一淮陰國士號無雙
恩怨分明瑣瑣性情羞趙普
規模宏遠恢恢度量仰劉邦

其二

椽對瓦柱對椿竹帳對蘭釭霜臺對露榭月檻對
雲幢社鼓擊寺鐘撞笛聲翻舊譜絃索寄新腔老
圃紅稀空留橘柚小窗綠滿靜對蘭茝絕頂勳名
麟閣霍甘心隱逸鹿門龐覽勝尋芳柳陌無塵閒
撲蝶安民弭盜花村有月不驚尨

四支

花對木葉對枝強幹對弱支千尋對十丈三省對
四知陶公璧謝傳棋詩家推杜甫畫譜重王維孔
子要言曰忠曰恕釋迦佛教大慈大悲正心那懼
秦皇鏡勵志須持季子錐把酒吟詩俊逸清新懷
白也臨池染翰端莊剛健學羲之

其二

周對孔惠對夷游酢對楊時性情對心術品格對
威儀萬人傑百世師學成麟有角名著豹留皮臣
投主以希榮慣推馮道女媚人而釀禍端屬夏姬
算操商賈嗤安石殃被詩書恨李斯想宋室中興
將有張韓劉岳嬾虞廷郅治人誰禹稷皋夔

五微

聞對見指對揮杜漸對防微窮通對順逆邪正對
是非談妙理悟玄機武侯工料敵文種昧知幾鄧
禹轉爲祖禹岳飛傳即張飛靈均寫恨蘭皋步元
亮辭官栗里歸于少保冤陷奪門天愁地慘曹孟
德詩成橫槊月明星稀

其二

其二

長對短瘦對肥淡冶對芳菲離鸞對別鶴
箏柱對琴徽蘇小小柳依依南國吟紅豆
中書號紫薇漂母識超巾幘昏侯志溺房
幃見嫉入門唐武后和戎出塞漢明妃
願教蘭質蕙心溫柔解意不羨蠻腰素口
妖豔成圍

六魚

雞對犬馬對驢斫鱸對烹魚鳴鑪對鳧鼎步輦對
肩輿頒八政課三餘馳名高宇宙隱迹混樵漁韜
晦有心閉門種菜澄清在抱攬轡登車祥雲瑞日
程明道黜霸崇王董仲舒緯地經天衰葉豈真難
補救乘風破浪奇材終亦待吹噓

其二

其二

今對古汝對吾勢力對名譽
亥唐對子夏有若對相如
狂阮籍勇專諸顧曲周公瑾
吹簫伍子胥蓬葦賢豪希天
希聖膏梁子弟懷土懷居若
問生涯惟稼穡本來性命是
詩書可憐戰國七雄齊楚燕
韓嬴秦趙魏最好曾家八法
考埽早寶書蔬魚豬

七虞

賢對否智對愚歡喜對憂虞丰神對氣度局量對
規模百年壽七尺軀末路宜堅忍前途懷步趨人
有微瑕取長舍短學無止境累寸積銖功業猶卑
嗤管晏淵源最正仰程朱後樂先憂偉抱常欽范
文正計功謀利私衷應愧董江都

其二

楊對墨釋對儒朋友對師徒
皇猷對帝德王業對
霸圖遊瓊島乞鑑湖錢公思竹鶴
張翰憶蓴鱸目
識英雄邸奔紅拂心堅節烈樓墜綠珠
桓文始是
眞盟主儀衍終非大丈夫無時不戒輕言
莫學東
坡憂抱石有志貴能自立休同南郭濫吹竽

八齊

夷對狄獻對黎弱魯對強齊中華對外域淮北對
江西銷烽火罷鼓聲唐書修小宋古畫倣迂倪西
塞釣徒漁童樵婢孤山處士鶴子梅妻計救周王
獻文馬困留蘇武牧戎羝李翰林人號謫仙共說
長庚曾入夢劉子政素稱好學相傳太乙爲燃藜

其二

晉樓窓塾樓主青燈樓珠閣鐵板樓寶水山樓